

邊防考卷之四

易云王公設險以守其國故非險無以為守無守險亦安恃此列營分屯星羅碁布荷戈帶甲之士與長城相資為固所由來矣中邑在寧夏西路地屬沿邊之衝營堡聯絡廣武扼西夏咽喉中衛實銀川門戶河南則寺口沙泉古水為通蘭慶固靖之隘北倚邊牆界連蒙古寔在昔戎馬之場今我

聖朝中外一家邊圉寧謐誠所謂在德而不在險然兵可百年不用而有備無患其所為可戰可守瞭如指掌者又

中衛縣志

卷四 邊防考

塞垣

一

烏可不講哉作邊防考

塞垣

縣城迤北邊牆一道自寧朔縣大壩交界起至西南越黃河抵蘆溝堡山沿長四百八十二里邊口二十九處一曰減井兒閣門南臨河岸北接沙山東距縣城三十里閣門以西舊為蒙古遊牧之所雍正七年巴里坤用兵自長流三塘至營盤迤西安設塘驛遂成通涼莊舉蘭孔道減井設防兵五名一曰井溝口一曰小頭井一曰大佛寺一曰黃沙外口一曰崇慶口一曰小閣兒口

一曰大寺口一曰靖湖口一曰燕子窩口一曰寧安口
一曰向陽口俱設防兵五名一曰紅井口一曰北城兒
口一曰水泉兒口一曰石砌界口一曰車往溝口一曰
鎮賊口一曰三岔溝口一曰正口墩口一曰馬槽湖口
一曰鎮夷墩口一曰崇受墩二口一曰殺虎墩口一曰
滅虜墩口一曰水溝口一曰寺塔兒口一曰岔口墩口
各設防兵三名口外要汛四長流水乾塘子石梯子梁
營盤水在邊牆西北接壤蘭涼為沿邊要路

南路 沙泉子防兵野豬口 寺口子 山河橋

中衛縣志

卷四

邊防考

二

紅蟒牛墩 皂礮墩 冰溝口墩 以上設防兵各五名

河北東路 芮家墩 紅廟墩 朱家墩 石崗墩

得勝墩 凱歌墩 餘丁渠墩 舊疇庄墩 雍家墩

沙棗墩 紅寨兒墩 柳條渠墩 炭窑兒墩

渠口墩 沙梁墩 六塘墩 以上設防兵各五名

西路 永安墩 鎮永墩 滅井兒墩 以上設防兵各五名

營制

中衛營副將一員

都司一員

千總一員

把總三員

內分防香山堡一員

經制外委六員

內分防鎮羅堡一員

額外外委四名

馬戰兵一百六十名

步戰兵一百七十四名

守兵一百九十四名

本營守兵二百零七名

分防香山堡守兵九名

分防鎮羅堡守兵三十八名

分防勝金關守兵十八名

分防沙泉堡守兵二十二名

騎探馬一百七十匹

額外委並馬兵一百七十名

兵馬九十八匹

廣武營遊擊一員

卷四 邊防考

三

守備一員

把總一員

分防秦園堡把總一員

馬戰兵一百二十名

步戰兵四十六名

守兵二百二十二名

官馬十六匹

兵馬一百三十六匹

兵甲馬一百二十匹

石空寺堡守備一員

經制外委一名

額外外委一名

馬兵七名

步兵七名

守兵一百零一名

兵馬十二匹

古水井堡守備一員

經制外委一名

額外外委一名

馬戰兵七名

步兵二名

守兵一百零二名

官馬四匹

兵馬九匹

營制自守備以下員弁兵丁以及馬匹相時度勢歷年增損不一茲就現在額數登記至沿邊隘口各設兵二三四五名輪戍其要衝汛內長流水駐防外委一員馬步兵十名乾塘子駐防馬步兵十名石梯子梁駐防馬步兵十名營盤水駐防外委一員馬步兵二十名西閘門駐防兵五名勝金關駐防兵二十名

中衛縣志

卷四 邊防考

四

邊界

中衛 邊牆口隘二十九處夷達入城市交易食物各帶該管蒙古所給腰牌至邊口城門查驗聽其入內地交易如無腰牌不得擅入
縣屬民人出口樵採牧放自康熙二十五年經侍郎喇提督孫率同蒙古部落自中衛邊牆起至石嘴子沿河一帶止指定界址公議

奏准奉

旨由賀蘭山之陰六十里以內為內地給民人樵採牧放六

十里以外為夷地蒙古插帳駐牧夷漢各守定制彼此不得越界侵佔欽遵在案嗣至乾隆六年厄魯特額駙阿寶請定邊界經理藩院咨川陝部堂尹檄行令將蒙古民人游牧耕種地方公定界址經知縣錢應榮會同中衛協米親往查立界址一自殺虎墩出口至溝泉腦一自向陽墩出口至沙井子一自崇安墩出口至紅井子一自燕子窩出口至生錢山一自小關兒出口至獨魯山一自黃沙外墩出口至亂井子一自石砌界出口至格子山一自木頭井出口至磨兒山腦一自沙

中衛縣志

卷四

邊防考
邊界

五

溝坡出口西行至磨兒尾止抵寧朔大壩交界俱離邊六十里照依康熙二十五年題定界址踏看定議詳覆咨部重申前禁口內民人不得出邊六十里外樵採牧放蒙古不得在近邊六十里內駐牧至今夷漢遵守邊

境寧謐

按中邑邊界明以前無可考而詢諸父老相傳自有明中葉以後蒙古劫掠不時擾至近郊居民耕牧必結衆持兵相衛今自我

朝百年以來德威遠播內外一家民人樵牧至出邊六十

里山澤之利與蒙古共之而夷人入城漢民入夷彼此交易熟習者往來便利素鮮爭競惟鹽池去邊只二三十里不等係蒙古管理聽內地民人買食此外駝羊牛馬寄牧邊外夷達或包攬保牧類給錢文糧食而蒙古游牧亦時至近邊六十里內釁隙不生出入口隘雖弛稽查之防而邊境安貼從古莫及也然飭我邊民各守定界勿相侵越以永百世之休是在職司邊計者宜知所留意焉

中衛縣志

卷四 邊防考

六

驛遞

中衛驛西路廳額馬十八匹歸縣管理

中衛塘額馬十二匹歸縣管理

渠口驛額馬十八匹歸縣管理

寧安驛額馬八匹歸縣管理

渠口秦園二塘額馬二十四匹歸縣管理

營盤石梯大澇壩三塘每塘額馬十二匹歸縣管理

勝金閣驛西路廳額馬十八匹沙泉驛額馬八匹俱歸縣

管理

勝金石空鎮羅三塘每塘額馬十二匹歸縣管理

長流三塘水二驛每驛額馬十二匹歸縣管理

長流一碗泉三塘水沙坡四塘每塘額馬十二匹歸縣管

理

營盤驛額馬十八匹歸縣管理 舊記漏載

按賦役全書與舊志所載各驛額馬數目不符因西路廳及各驛丞裁缺額馬亦歷年屢經增減故為賦役全書所未詳舊志所未及載也茲就現在歸縣管理之額數一一登記至後有增減其稽核以俟來者 鄭元吉記

中衛縣志

卷四 邊防考

七

關梁

勝金關 宏治元年參將韓王建其上因山扼險其下倚水為固在縣東六十里設兵防守

野豬口 在寧安堡南二十里為通固原要路山口交錯設汛防焉

寺口 為通蘭靖平鞏要路兩山雄峙僅通石徑在縣南九十里

西沙嘴 舊志在縣西明成化間因西路永安墩至沙嘴舊牆低薄改築高牆今為沙擁積無復遺牆矣

黑山嘴 在縣北二十五里

永康渡 自縣城往蘭靖通固原平慶至西安必由此渡河設防兵二名在縣東南二十五里

常樂渡 在縣西南十五里設防兵二名

泉眼山渡 在寧安堡嘉慶七年設

老鼠嘴渡

在鉄橋堡東為寧夏通蘭州平涼必由之道設防兵二名

張義渡

渡河至寧安堡

青銅峽渡

渡河至靈州界設汛防

油梁溝橋

在勝金關西五里為往來邊路之衝山水暴發合美利水泛濫多冲决歲加修理

山河橋

橋二一在寧安通寺口之道乾隆十七年重修

乾隆二十一年重修其橋皆因崖岸壘石作基陞

節節相次排木縱橫接比更為鎮壓對岸俱相

赴中去三四丈并大材以板橫次之外施鈎欄

懸空而行惟人馬可渡設防兵

南河橋

在寧安堡東南二里乾隆二十五年重修

冰溝渡口為古水渡河至長流水道

中衛縣志

卷四 邊防考

八

大通橋

上建坊在縣城東

官渠橋

在縣西三里橋岸建二坊

綠楊橋

朔方志在城南今存

